



ATASSUT INATSISARTUNI

Nuuk ulloq 13. April 2015

Inatsisartut suliariaasianni § 37, imm. 1 naapertorlugu Nalaakkersuisunut apeqqut una matumuuna nassiuppara:

- 1. Sooq avaleraasartoornermi kilisaatit nunatsinni angerlarsimaffillit kilisaatillu nunanit allanit attartukkat avalaraasartuunik pisaqarnermi assigiimmik akitsuutinik akiliisinnegartassappat, tassa kiilumut 0,95 kr.?**

(Inatsisartuni ilaasortat Siverth K. Heilmann aamma Steen Lyng, ATASSUT)

Tungavilersuut:

Nunatsinni kilisaatit avaleraasartooriartut 2014-imi marlunnnut avinneqarput, avaleraasartuunik aalisarnermut atatillugu kilisaatit attartukkat soorlu Ruslandimeersut, Norgemeersut, Savalimmiuneersut, nunatsinni suliffeqarfinit attartorneqarsimasut aappaallu tassaallutik kilisaatit nunatsinnit pigineqartut, nunattalu erfalasuanik erfalasullit.

Erseqqissarneqassaaq nunatsinni avaleraasartooriarnep aallartisarnerani kilisaatit attartukkat qulaani pineqartut pisariaqartikkallarigut.

Assigiinngissut pingaarnaq tassaavoq kilisaatit attartukkat nunanit allaneersut nunatsinneersunik inuttaqarneq ajortut, kilisaatip aallaavianeersunik inuttaqarnissaa pissutigalugu, taamaattumillu nunatsinnut A-skat-eertoqassanani soorunalumi suliffeqarfiit kilisaatinik piginnittut suliffeqarfiit akileraarutaannik nunatsinnut akiliissanatik.

Aamma avaleraasartooriarnep akissarsiat appasinnerulluarsimanerat kilisaatit inuttaannit maluginiarneqarsimavoq, tassani pissutigineqarluni avaleraasartuunut akitsuutit pissusissamisuunngitsumik annertuallaarnera.

Isortuunneqassanngilaq nunatsinni suliffeqarfiit sapinngisamik pitsaanerpaamik atugassaqartinnissaat Atassutip kissaatigigaa, tamannalu apeqquteqaateqarnermut tungaviuvoq. Qulaani taaneqartut tungavigalugit kilisaatit nunatsinni angerlarsimaffeqarnermut imaluunniit nunanit allanit attartugaanersut apeqqutaatillugu assigiinngitsumik akitsuutinik akiliisalnissaat pissusissamisoortutut isigaarput, assersuutigalugu kilisaatit nunatsinneersut kiilumut 0,65 kr, kilisaatillu nunanit aallanit attartukkat kiilumut 1,25 kr akileraartillugit. Nunatsinni avaleraasartooriarneq siuarsarneqassappat kilisaatit nunatsinni angerlarsimaffeqartut taakkulu inuttaasa pitsaanerumik atugaqarnissaat Atassummit takorusunnerugaluarparput. Kilisaataatileqatigiit namminneq pigisaminnik kilisaataateqarnissaat kilisaatinilu avaleraasartooriartuni inuttaarnerup maannakkornit pilerinarnerulersinnissaa anguniarniarneqartariaqarpoq, taamaalilluta nunatsinni avaleraasartuut pitsaanerpaamik aningaasarsiornikkut atorluarneqarnissaat angussagatsigu, illuatungaani kilisaatinik nunanit allaneersunik attartortarnerup pisariaarukkaluttuinnarnissaa angussallutigu.



ATASSUT INATSIARTUNI

Qinnutigissavarput akissuteqaat, kingusinnerpaamik ullut suliffiit naliginnaasut qulit iluini tigusinnaassallugu. Akineqarnerpullu tunngavigalugu nalileqqikkumaarparput suliaq malersoqqittariaassanersoq.